



PATRIARCHATVS HIEROSOLYMITANVS.

LIBER DVODECIMVS.



PERRAM ingredior vbi, ait Optatus,^a secundum hominem natus est Christus, vbi eius sancta sunt impressa vestigia, vbi ambulauerunt adorandi pedes, vbi ab ipso factae sunt tot & tantae virtutes, & vbi eum sunt tot Apostoli comitati. Palæstina dicitur, quam sic describit Ammianus Marcellinus.^b [Ultima Syriarum est Palæstina, per interualla magna protensa, cultis abundans terris & nitidis, & ciuitates habens quasdam egregias, nullam nulli cedentem,

^{I.}
PALÆSTINÆ
DESCRIPTIO.
^a Optatus lib. 6.

^b Ammian. Marc.
lib. 14.

sed sibi vicissim velut ad perpendiculum æmulas: Cæsaream, quam ad honorem Octauiani Principis exædificauit Herodes, & Eleutheropolim, & Neapolim, itidemque Ascalonem, Gazam, & Iuliam æuo superiore extructas. In his tractibus nauigerum nusquam visitur flumen, & in locis plurimis aquae suapte natura calentes emergunt, ad vsus aptae multiplicium medelarum. Verum has quoque regiones pari sorte Pompeius, Iudæis domitis & Hierosolymis captis, in Prouinciæ speciem rectori delata iurisdictione formauit.] [Est circa Hierusalem, inquit Strabo, locus Saxosus, aquis ipse quidem abundans, cum regio circum sterilis ac sicca sit, & intra sexaginta stadia etiam solum habeat lapidosum infernè.] Nec ab eo discrepat D. Hieronymus^d, dum ait, [Non rigatur vt Ægyptus deorsum, sed defursum, nec facit olera languentium cibos, sed temporaneum & Serotinum de caelo expectat imbrem. Hæc terra montuosa & in sublimi sita, quantum à delicijs sæculi vacat, tantò maiores habet delicias spiritus.]

^c Strabo lib. 263

^d Hieron. epist. 173

Clauditur magna ex parte montibus, habetque pro terminis ab Oriente & Septentrione Libanum & Antilibanum, ab Occidente partem Phœniæ & mare Syriacum, & à Meridie Arabiam Petræam: appellataque est Palæstina à Philisthijm, quos Palæstinos corruptè vocant. Prius sub Iuliano Apostata Consularem^e habuit. Deinde sub Gratiano^f Proconsulem, ac sub eodem in duas prouincias diuisa est, cum in vtraque Palæstina Theodosius Iudæorum Synedria fuisse scribat.^g Tandem in tres diuisa est, scilicet primam, secundam, & salutarem. Primæ, quæ minor erat, Me-

^e Leg. & vlt ff. de
Censibus.

^f l. 24. si quis Decu-
rio. Cod. de Decu-
rionibus.

^g l. 42. Cod. Theod.
de appellationib.